

歐北集

第十二函
第十冊

臣北集卷四十七

乙丑

陽湖 趙翼 雲崧

乙丑元日

歲朝淑景正晴和遙拜觚稜佩玉珂大耋鬚眉同輩少
太平時世樂方多老仍故步循牆走閒作新詩擊壤歌
笑引耆英洛中例我當首座占巍峩

洛陽耆英以富鄭公爲首座時年七十九今余亦同

此歲

題寒石和尚吾與菴圖

支遁遺踪古道場傳衣人又寄禪床菴名似更思招隱
我是寒山趙宦光

石菴相公輓詩

纔送還 朝數月前俄驚仙馭大羅天向愁久別難重
見豈意相逢遽永捐黃閣詔元榮再世青燈談藝記當
年翻思昨歲南來日天子吾曹一面緣

貞白汾陽陸放翁壽俱八十五纔終高名已屬三君子
大耋今添一相公勲業不妨文敵武神仙皆到老還童
卽論落紙烟雲妙也抵山陰萬首工

我與公交跡最陳秀才時已客平津

余初入京文正
師卽延入邸第

分岐雖

隔青雲路闊世同爲白髮人楹帖一聯成絕筆書籤十

冊枉隨輪

公臨行爲余書楹
帖并索拙著攜去

始知老健原難恃只在斯須臂

屈伸

楹帖十八字務觀萬端半皆歸里作
底斯三樂全見蓮生言恭紀筆也

題陳無波慕陵詩稿爲其曾孫十峯作

徵君著述有遺編篋衍藏來久始傳學問終推前輩好

表彰端賴後人賢集來碎錦衣無縫

中多集句

湧出層瀾筆

有泉不用杜歐遙寄托二陵風雨入詩篇

君慕少陵廬陵詩文以名其稿故爾

用一陵風雨爲喻

新年

一笑貪癡鶴髮翁新年又喜欵春風閒尋古老人爲伴
數到淇園衛武公

○春夜看孫男女舞燈戲賦

碧天如水月如霜五丈空庭作戲場破費買燈錢一貫
魚龍兩隊小排當

行春五馬記南州謝事歸來剩故侯騶卒與丁無一在

目攜童稚作遨頭

兒女青紅樂事多新年例得免譙訶老夫恐踏唐休璟

不敢隨他戲拔河

唐休璟借三品以上
戲拔河隨經踏地

跳踉如虎吼如雷似傲衰翁意氣類七十年前思舊事
也曾上樹日干迴

都是孫曾手日持舞燈供我作酣嬉笑他白傅空尋樂
只仗樊蠻唱柳枝

諸孫醵資饗我戲賦

童稚殊多事承歡各醵貲似防催我老特引逐兒嬉沈
腴婦肥牡烹鮮割伏雌莫言無以答吾已具含飴

筆工胡生以羊毫裹兔穎名之曰綿裏針頗馴健

可書戲爲二絕

老來那得更還童
目分中書老不中
忽得銀毫濡墨寫
白頭公變黑頭公

柔毛何意內含剛
恰與詞人寫錦囊
放出晶芒高萬丈
依然佛頂白毫光

哭劉可行舅兄

松筠方喜景長春
何意康強遽飾巾
名行已歸耆舊傳
親知其惜老成人
生無嗜好惟耽學
家本清寒尚卹貧
欲識蓋棺公論定
淳風共說葛天民

生平執友本無多
况復相隨到髩皤
尚擬泛舟偕襲美

已辭折簡召閭羅

君自言三年前夢閭羅有請帖以編刻家集未成辭不赴

文心積習原成

癡嚙語通靈轉似魔從此故人都哭盡爲君拚得淚滂沱

花朝夜看燈

元宵燈火未繁雄移在花朝半夜鐘幻出人間眞陸海
滿街曼衍舞魚龍

王惺園相公輓詩

鼇頂科名位秉鈞何期致政遽歸眞素風到老如寒士
公論同聲說正人解綬臣辭前席寵懸弧

帝錫尚方珍歸田仍歿長安道遙識心猶戀

紫宸

公已致仕歸里因八十壽辰上
龍錫優厚來京謝恩遂歿于京

曲江賜宴共恩榮中外分歧遂判程我慕千秋勤著述

公登一品佐昇平特邀

主眷原奇遇難得官高尚令名一甲三人兩徂謝此身

雖在也堪驚

榜眼胡豫堂官至
總憲已先下世

一月中連得石菴惺園兩相之訃又哭可型舅兄

生平交舊於是盡矣凄然有作

新年一月哭三人都是龐眉太羣身

年皆八十以上

齒序漸應輪

到我不知更閱幾青春

米貴

米貴真看逐日昂民間一撮藉通腸老夫家法難行處

要授全家辟穀方

徐媛管貞婦詩

矢志堅從一星奔赴飾巾百年無見日廿歲未亡人枕
漬惟紅淚燈寒似碧燐夢中同穴誓衆裏向隅身直待
死連理何曾生御輪由來名義重豈爲琢貞珉

常州東門外天寧寺最崇敞殿宇百畝僧徒常數
千指江南一大叢林也顧未有詠之者僧了月
修造工竣詩以落之

祇洹樓殿映霞丹江北江南一刹竿千載不遭兵火厄
半空直接斗星寒鳴鐘聲集齋堂飯汲纓痕深石井欄
代有名僧爲起廢緣知福地占蒲團

雞戲

峩冠壯距奮雄鳴可惜單栖到五更爲嘲一雌相匹配

老夫家法最通情

眞娘墓

虎邱二月踏青天閒訪眞娘古墓田脂粉香留遊客弔
鶯花地愛美人傳平蕪經燒猶遲雨新柳纔梯未著烟
也似香山白居士競將杯酒滴荒阡

道學

禪榻茶烟颺髻絲老來漸少疚心時只慚琢句求工處
道學先生所不爲

曠覽

誰出青天外閒觀大局棋無今安有古旣滿卽將虧雨
曜九雙轉千年黍一炊名心亦癡夢智叟笑山移

石首魚

石首魚價獨增貴不在魚乃在水江南此物出三月雋
味恃有嚴寒凝去年冬煖凌陰竭獻羔難望開層層坐
使銀鱗易臭腐海師勿敢輒舉罾今朝何幸飫鮮美松
鱸漢鰯不足稱但有膏腴絕芒刺色香未變餘寒仍得
非遠移嶰山雪護此潔白驅蚊蠅我音聞遊作常饌過
午輒敗因炎蒸豈知得水即可耐造化亦聽人力勝價
高利厚趨若驚百計懸致幽崖絕因之放箸一長嘆唐
花窖菜古所懲

錦囊

老已中乾尚外强嬉遊還逐少年場怕人笑我詩才盡

特遣奚童背錦囊

小遊仙

瑤草琪花引洞天
誤人春夢小遊仙
麻姑爪豈曾搔着
枉被方平一頓鞭

右手忽患風痺
食指中指不能把筆
將成痼疾矣
昔偶中風痺
尚不關血氣
兩指今不仁
竟難使以臂
夢害况在右
坐令百事廢
枉負巨擘稱
謬忝中權
寄書窗一把筆
尤苦入重脰
由來筋力衰
消息早暗遞
老樹雖尚榮
一枝已先萎
迴憶年少時
作力何負
最捧日擎青
天直欲隻手
試漚麻
李陽拳白打
肯誰避
寸晷輒萬言
一揮亦七制
淋漓盾鼻間
腕脫未告瘁
庸知入暮年
默

國本集
卷三
已減生意枯皮裹瘦骨軀殼久漸敝精氣貫不到先已
折一翅昔輕百斛扛今重千觔墜若或掣其肘牽絆力
徒費敢鬥拇陣酣只供肱枕睡偶然一濡毫冀托翰墨
戲離披偃風草槎枒觸眼刺翻似蝟斗奇或類蚯蚓斃
可憐斛律金竟不成屋宇一紙糊塗帳笑我亦不記
俊兒京闈報罷入貲以別駕就選卽事

京闈報罷也尋常別慶彈冠當舉場鄉望謬推通德里
儒門乃有納貲郎未妨名士原銅臭但恐書生斷辦香
家世賣文今買爵此情聊可一誇張

舟行

知有烟村綠水灣寥寥一犬吠柴關百株楊柳千竿竹

惜不移家住此間

二來將收連旬大雨感賦

米價經年卽節高茅檐待哺正嗷嗷麥秋時候連旬雨
天要殺人不用刀

麥已歉收雨猶未止而龍舟之戲尚華艷如昔感
賦

正是柴荒米貴時龍舟仍復門琴麗滿堂燕雀羣嬉處
中有饑寒世未知

只恐饑荒在眼前中流鑼鼓漫喧天老夫聊亦逢場戲
不敢思量到半年

血氣日衰竹初勸食人乳戲作

國士集
卷二
昔年乳藉養牛

見漢書

供人乳今更軟飽功驕貴莫嗤人

代畜貪癡要想老還童

晬盤孩稚已扶牀又費餐錢雇奶娘黃口曾孫黃髮叟
一齊都帶乳花香

醕酪當年飲滿杯憶曾扈從白龍堆旁人只道猶干進
欲學張蒼拜相來

不煩燥濕効勤多新婦居然暫作婆若使屈尊呼乳媪
我年三倍長于他

味到寒儒始覺珍不教涓滴漉陶巾恐防悞作蒸豚用
莫近人間富貴人

燒丹煉汞冀成仙久作人間笑柄傳今日笑人還自笑

也從服食乞長年

味辛自松江歸述菴侍郎珮珊女史俱寄聲存問

并知珮珊能背誦拙詩如瓶瀉水各寄謝一首

十載邊疆踏戰塵歸勤著述泖湖村五官俱廢名心在

二品非榮老學尊湖海論交無輩行文章傳世卽兒孫

衰年我亦頽唐甚能否扁舟一欸門

寄述菴

騷雅中誰識苦辛正難物色向風塵豈期白首新知已

翻在紅顏絕代人繡出弓衣傳唱遠拂來羅袖愛才真

拙詩背誦如流水多恐污君點絳唇

寄佩珊

自遣

熊魚兼取本天慳老去塵緣已盡刪名或可傳聽日後

詩畱不盡與人間身隨旣衰上豚蹄祝夢斷周法豹尾
班獨惜退休三十載不曾絲髮濟時艱

無聊

天以無聊因此翁轉尋生活寂寥中一聯未穩何關緊
竟費推敲半日功

插秧

平疇欣雨止栽插趁梅天麥歉愁先竭家家蒔早秧

莊映山徵君枉詩投贈次韻奉答

稽古功深筆代耕傳經戶屢滿諸生鄉評已共尊三老
薦牘交推到九卿高允最榮徵士頌正倫不愧秀才名
醇儒學行師資在我欲相從拾落英